

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-4442-1/12.
Zenica, 28.02.2012. godine

Z A P I S N I K
sa 55. sjednice Vlade Zeničko-dobojskog kantona
održane 27.02.2012. godine

Sjednica je održana u sali 109, prvi sprat u zgradi Kantona, dana 27.02.2012. godine sa početkom u 14⁰⁹ sati.

Sjednici je predsjedavao ministar Mirko Trifunović, jer je Fikret Plevljak, premijer Zeničko-dobojskog kantona, bio opravdano odsutan.

Sjednici su prisustvovali članovi Vlade:

1. Jusuf Duraković, ministar Ministarstva za privredu, opravdano je odsutan, a umjesto njega sjednici prisustvuje Ljiljana Anđelić, sekretar Ministarstva,
2. Samir Selimović, ministar Ministarstva za poljoprivredu, šumarstvo i vodoprivredu, opravdano je odsutan,
3. Miroslav Penko, ministar Ministarstva za pravosuđe i upravu,
4. Amra Babić, ministrica Ministarstva finansija,
5. Rifat Delić, ministar Ministarstva unutrašnjih poslova,
6. Mirko Trifunović, ministar Ministarstva za rad, socijalnu politiku i izbjeglice,
7. Bernadeta Galijašević, ministrica Ministarstva za obrazovanje, nauku, kulturu i sport, sjednici se priključila u 14²¹ sati,
8. Senka Balorda, ministrica Ministarstva zdravstva,
9. Raif Seferović, ministar Ministarstva za prostorno uređenje, promet i komunikacije i zaštitu okolice,
10. Suad Omerašević, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Dženan Begović, šef Ureda premijera,
3. Mirsad Kadić, sekretar Sekretarijata za zakonodavstvo,
4. Jasna Ahmetpahić, portparol,
5. Azra Smailbegović-Đuherić, zapisničar.

Predsjedavajući je stavio na diskusiju predloženi

DNEVNI RED:

1. Amandmani I-IV na Prijedlog Zakona o preuzimanju Zakona o državnoj službi u Federaciji Bosne i Hercegovine, Janje Ivić, poslanice u Skupštini Zeničko-dobojskog kantona, sa prijedlogom Zaključka;
2. Amandmani I-IV na Prijedlog Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona, Buljubašić Amila, poslanika u Skupštini Zeničko-dobojskog kantona, sa prijedlogom Zaključka;
3. Informacija o dostignutom stanju u oblastima socijalne zaštite, zaštite civilnih žrtava rata i zaštite porodice sa djecom u 2011. godini, sa Prijedlogom Zaključka o prihvatanju;
4. Elaborat o izvršenom redovnom godišnjem popisu imovine, obaveza i potraživanja Zeničko-dobojskog kantona na dan 31.12.2011. godine, sa Prijedlogom Odluke o usvajanju;
5. Upoznavanje članova Vlade Zeničko-dobojskog kantona sa:
 - Zaključkom broj: 11-49/1-294/12 od 21.02.2012. godine Federalnog štaba civilne zaštite, u vezi aktivnosti na ažuriranju planova i utvrđivanju preventivnih mjera odbrane od poplava;
 - Informacijom broj: sl/12 od 22.02.2012. godine Federalnog štaba civilne zaštite o poplavnim područjima i naseljima koja mogu biti poplavljena vodotocima I kategorije na vodnom području Jadranskog mora.

Članovi Vlade jednoglasno su usvojili predloženi dnevni red.

Prva tačka dnevnog reda

Obrazloženje za ovu tačku dnevnog reda dao je Ministar Ministarstva za pravosuđe i upravu.

U diskusiji su učestvovali Sekretar Sekretarijata za zakonodavstvo, Ministar Ministarstva za pravosuđe i upravu, Sekretar Vlade, Ministar Ministarstva za boračka pitanja, Ministrica Ministarstva zdravstva i Ministar Ministarstva za rad, socijalnu politiku i izbjeglice.

Vlada Zeničko-dobojskog kantona je jednoglasno donijela zaključak kojim se odbacuju Amandman I., Amandman II., Amandman III. i Amandman IV. na Prijedlog Zakona o preuzimanju Zakona o državnoj službi u Federaciji Bosne i Hercegovine, Janje Ivić, zastupnice u Skupštini Zeničko-dobojskog kantona.

Zaključak sa obrazloženjem u kojem su sadržani razlozi odbacivanja podnesenih amandmana iz tačke I. ovog zaključka upućuju se u dalju skupštinsku proceduru.

Druga tačka dnevnog reda

Obrazloženje za ovu tačku dnevnog reda dao je Ministar Ministarstva za prostorno uređenje, promet i komunikacije i zaštitu okoline.

Diskutovao je Sekretar Sekretarijata za zakonodavstvo.

Vlada je jednoglasno donijela Zaključak kojim se prihvataju Amandmani I, II, III i IV poslanika u Skupštini Zeničko-dobojskog kantona Amila Buljubašića, podnesene na Prijedlog Odluke o izmjenama i dopunama Odluke o organizaciji i načinu obavljanja taksiprijevoza putnika na području Zeničko-dobojskog kantona, i isti upućuje u dalju skupštinsku proceduru.

Treća tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

U diskusiji su učestvovali Sekretar Vlade i Ministrica Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se prihvata Informacija o dostignutom stanju u oblastima socijalne zaštite, zaštite civilnih žrtava rata i zaštite porodica sa djecom u 2011. godini, i ista upućuje u dalju skupštinsku proceduru.

Četvrta tačka dnevnog reda

Obrazloženje za ovu tačku dnevnog reda dao je Nermin Piljug, predsjednik Centralne popisne komisije.

U diskusiji su učestvovali: Ministrica Ministarstva zdravstva, Ministrica Ministarstva finansija, Ministar Ministarstva za prostorno uređenje, promet i komunikacije i zaštitu okoline, Sekretar Vlade, Sekretar Sekretarijata za zakonodavstvo, Ministrica Ministarstva za obrazovanje, nauku, kulturu i sport, Ministar Ministarstva za pravosuđe i upravu i Ministar Ministarstva za boračka pitanja.

Vlada je jednoglasno donijela Odluku kojom se usvaja Elaborat Centralne popisne komisije Zeničko-dobojskog kantona o izvršenom redovnom godišnjem popisu imovine, obaveza i potraživanja Zeničko-dobojskog kantona sa stanjem na dan 31.12.2011. godine.

Nalaže se Ministarstvu finansija-Odsjek za računovodstvo i operativnim jedinicama nadležnih ministarstava, da izvrše sva neophodna knjiženja u skladu sa svim pojedinačnim odlukama za kantonalna ministarstva i uprave i pojedinačne budžetske korisnike nadležnih ministarstava, a koje su prilog Elaborata iz člana 1. ove Odluke.

Za realizaciju ove odluke zadužuju se Ministarstvo finansija, Ministarstvo unutrašnjih poslova, Ministarstvo za pravosuđe i upravu i Ministarstvo za obrazovanje, nauku, kulturu i sport.

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se sa 31.12.2011. godine.

Vlada je takođe jednoglasno donijela i Zaključak kojim se zadužuju rukovodioci kantonalnih ministarstava i drugih tijela kantonalne uprave da postupe po Zaključku Vlade Zeničko-dobojskog kantona broj: 02-34-17941/10 od 11.06.2010. godine.

Peta tačka dnevnog reda

Obrazloženje za ovu tačku dnevnog reda dao je Ministar Ministarstva za prostorno uređenje, promet i komunikacije i zaštitu okoline.

Diskutovala je Ministrica Ministarstva za obrazovanje, nauku, kulturu i sport.

Članovi Vlade Zeničko-dobojskog kantona upoznali su se sa materijalima dostavljenim u okviru ove tačke dnevnog reda.

Predsjedavajući je zaključio sjednicu u 15⁴⁴ sati.

SEKRETAR VLADE

Berjana Ačkar

PREMIJER

mr.sci. Fikret Plevljak, dipl.ing.

ZAPISNIČAR

Azra Smailbegović-Đuherić